

S. N. C.  
FIRENZE  
1062  
12



H. 1069. 12







002-12

1857.





ci

SERENISSIMUS  
COSMUS  
MÉDICEUS  
ETRURIÆ PRINCEPS  
HOSPES  
HAMBURGENSIIUM

A. C. cl3 l3c LXVIII.  
M. FEBRUAR.



1062  
12



STUDYING  
COSMOS  
MEDICAL  
FURNISHING  
HOSPITALS  
HARRINGTON

A. C. & S. L. L. L.  
22 FARMER



129  
PRINCIPIS ETRUSCI læto Germania vultu  
Adventum sensitque decus, Quis sedibus hospes  
Insolitus nostris successit? ut arduus alto,  
Stemmata, Caesaribus summis, & regibus orto,  
Et præstans virtute sua! Miratur honorem  
Oceanus, nulloque gelu liberrimus Albis:  
Ac nunc Tyrrhena pro Doride, quæ tibi servit,  
Proque Arno pietate pari Te, COSME, salutant.

COSME, quid hoc dicam? Non tantum sidera cello  
Incedunt MEDICEA polo, cursusque perennes,  
Et varios repetunt: terris MEDICEA feruntur  
Sidera non minus, & nostram vertuntur ad Arcton  
Nunc etiam. Quod nullus adhuc Galilæus in astris,  
Aut similis vidit nitidi scrutator Olympi,  
Hoc sine mirificis datur artibus ecce tueri:  
Orbe sub hoc nostro MEDICEUM cernitur astrum,  
Et Jovis instar habet, majoraque luminapræbet.

MAGNE tuis meritis, & justo nomine PRINCEES,  
SALVE COSME! Venis nostræ rarissimus Urbs  
Hospes; & esse potest unquam quid rarius illo,  
Quod nunquam factum est? Non hæc MEDICEUS in urbe  
Ante fuit princeps. Miracula dicere fas est,  
Sentit inauditos felix HAMBURGA favores.

NAM quid cessit hiems? cur sit lenissimus aer?  
Cur adeo murat, cur mollior intepet annus?  
Cur frigus nullum gemina spiratur ab æsa,  
Quod nos his alias, & multis mensibus urit?  
COSMUS adest: Boreas voluit mitescere COSMO.

Præsentit natura: sacros ea mota recessus  
Laxat, & Austrinis frigentes temperat auras,  
Ut præstet, quodcunque licet per fœdera Mundi,  
Obsequium COSMO confirmatura fidemque.  
Ipsa sibi, nimium vellet, nunc plura licerent:  
Ipsa tibi flores effunderet, ipsa crearet  
Ver tibi, quale tuas PRINCEPS beat optime terras:  
Cunctaque florent hic non minus, ut tibi florent,  
Auspiciisque tuis, patriis lætissima regnis  
Omnia, quaque caput tollit Florentia cœlo.

VERUM non nobis adeo licet esse beatis:

Cedimus Italiæ: quaque est pulcherrima tota  
Cedimus Italiæ: qua flos hominumque bonique  
Omnis inest, medioque loco se maxima virtus  
Colligit, & partes superat bonitate remotas  
Nec turpe hoc autem est: cum nec Panchaica pinguis,  
Ruræque Persarum, nec Ganges turbidus auro,  
Sinave dives opum, nec Mexica lata Peruque,  
Italiæ cœtent Mediceæ laudibus æquis.  
O tellus antiqua, potens, dignissima tali  
Principe, cum Princeps tali dignissime terra!  
Nondum Roma fuit, Tarpejas Juppiter arces  
Non habuit, Latique fuit paucissima fama,  
Cum multas urbes Etruria clara teneret  
Imperio, premeretque Alpes, & littus utrumque,  
Finibus extentis, & densis curreret æquor  
Navibus. Hinc cultum, jura hinc accepit, & artes,  
Sacraque, quo leges imponeret altera Mundo.  
Nunc etiam, quo non eadem splendore superbam  
Se tollit, quæ non Mediceis lumina debet.  
Mirandorum operum Florentia plena videri  
Non satis usque potest. Regales cernimus arces

Re-

Regalesque hortos, & plena palatia sumtu  
Magnifico. Quid templa loquar, Laurentia templa,  
Cuique opibus nullum par est, aut arte sacellum,  
Horreaque immensam passim servantia gazam,  
Innumerosque libros, veteres, monumentaque docta?  
Hic ars, & natura sacro certamine pugnant  
Vincere se, nec sic MEDICEOS vincere possunt.  
Quicquid habent superant, & sunt sibi meta bonorum.  
Hic omnes servantur opes, rarissima quævis  
Optimaque: ut meliora tamen sibi propria reddant,  
Et sub pectoribus MEDICEI condita servant.

Huc igitur Musæ, quas Græcia victa reliquit,  
Migrarunt, profugas Florentia pulchra recepit,  
Cumque undis Heliconæ suis. Et vicit Athenas  
Urbs Medicea, potest adeo placuisse Minervæ  
Rectius: & Nil doctis premit artibus urbes.  
Hic confederunt, Cosmo revocante, Camænæ:  
Omnis in Europam rursus nitor inde profectus,  
Doctrinæ, reddique vetus sapientia coepit,  
Immensis perfecta modis. Nunc usque Platonem  
Nunc quoque doctrina regnantes laude sequuntur,  
Non minus atque opibus, sceptrisque, & fortibus armis.  
Hic geniusque loci est: hic subtilissima corda,  
Hic exerceri sensus quis nesciat acres,  
Principibus palmam in medium ponentibus ipsis.  
Itur & in cælum porro, Mundumque per omnem  
Ingeniis: & COSME, tuis hortatibus alas  
Accipiunt, superantque. Tibi natura reservat  
Quod tegit, atque novæ gaudebunt nomine formæ  
Quod dederis. Sic fata velint, sintque omina certa;  
Sique hoc addendum est, redeat Vespertius alter,  
Atque Tibi terrasque novas recludat, & astra.

ERGO

ERGO quæ vifes, te magno Principe digna,  
Hic equidem? quæis te recreet Germania donis?  
Quas ostendat opes, quas non habet Albis, & Albim  
Oceanus sorbens? Ut sint discrimina nota,  
Hæc videas. Urbs hæc, quam magnus Carolus olim  
Condidit, haut vetus est, haut est Florentia pulchra:  
Atque magis sordet, postquam Tibi Belgica visa,  
Seu bello defuncta gravi, bellove recenti  
Et graviore tremens. Huc merces India dives  
Congerit, atque animi pariter virtutibus ardent.  
Sed limus quicumque, tamen queiscunque favebis.  
Quippe hoc divinum est. Et non contendere tecum,  
Sed vinci laus est, quam quærimus. Altera Cosme  
Est tua: quod tecum circumfers digna videri:  
Et, Te cum videas, & quæ tua, nulla supersint,  
Quæ potius cernas, digneris visere nostra  
Hæc tamen, & per te tantum placitura videnti.

NON Hamburgenses dicent tibi carmina Musæ,  
Qualia, Cosme, tuæ: nec quales Arnus olores,  
Albis habet. Gaudent alio te sole canentes,  
Nec tamen abnueris, cum te venerantur euntem.  
Omnes, qua vadis, submitunt omnia Musæ  
Signa Tibi. Videas decurrere, ceu Tibi Pisæ,  
Ceu Senæ appropèrant, Florentia sicut equestris,  
Et vexilla trahunt, & flexo poplite adorant,  
Sanctus IOANNES cum cancri ferveret æstu.  
Nobis hoc satis est, si dicere possumus olim:

ETRUSCUS PRINCEPS HAMBURGO FAVERAT  
HOSPES.

Sic

Sic FERDINANDUS genitor te gaudeat atque  
Non paucos, quos vivet adhuc, feliciter annos.  
Sic PRINCEPS post hunc felix lætissima regna,  
Atque diu teneas: sic in te vivere semper  
Et Ferdinandos omnes, & vivere Cosmos,  
Et Petros omnes, & cetera nomina magnæ  
Magna domus videamus. Erit, quod nomine præfert  
Perpetuum Mundi decus, & nova gloria COSMUS.

MICHAEL KIRSTENIUS, PHIL.  
ET MED. HAMBURG. ET  
PROF. P.

---



1. *Polysiphonia* (L.) Lamour.  
 2. *Enteromorpha* (L.) Lamour.  
 3. *Enteromorpha* (L.) Lamour.  
 4. *Enteromorpha* (L.) Lamour.  
 5. *Enteromorpha* (L.) Lamour.  
 6. *Enteromorpha* (L.) Lamour.  
 7. *Enteromorpha* (L.) Lamour.  
 8. *Enteromorpha* (L.) Lamour.  
 9. *Enteromorpha* (L.) Lamour.  
 10. *Enteromorpha* (L.) Lamour.

STANDARD MARINE INSURANCE CO. OF N.Y.

1062-11









